

গণপ্রজাতন্ত্রী বাংলাদেশ সরকার
তথ্য ও সম্প্রচার মন্ত্রণালয়
জাতীয় গণমাধ্যম ইনস্টিটিউট
১২৫/এ, দারুস সালাম, এ ডব্লিউ চৌধুরী রোড, ঢাকা-১২১৬

নথি নং: ১৫.৫৫.০০০০.৩০৩.২৫.২৩১.২৪.৩০৭ (৬)

তারিখ : ১৮ ফেব্রুয়ারি ২০২৪ খ্রি.

প্রেস রিলিজ

“মুজিব জলবায়ু সমৃদ্ধি পরিকল্পনা বাস্তবায়নে গণমাধ্যমকর্মীদের জন্য সুনির্দিষ্ট কর্মপরিকল্পনা প্রয়োজন।”


মুজিব জলবায়ু সমৃদ্ধি পরিকল্পনা—গণমাধ্যমের ভূমিকা” শীর্ষক সেমিনার আজ ঢাকাস্থ জাতীয় গণমাধ্যম ইনস্টিটিউটে অনুষ্ঠিত হয়। ইনস্টিটিউটের অতিরিক্ত মহাপরিচালক সুফী জাকির হোসেন-এর সভাপতিত্বে এ সেমিনারে পরিবেশ অধিদপ্তরের পরিচালক মির্জা শওকত আলী মূলপ্রবন্ধ উপস্থাপনা করেন। এসময় তিনি বলেন যে, জাতির পিতা বঙ্গবন্ধু শেখ মুজিবুর রহমানের পরিবেশ ও জলবায়ু নিয়ে ভাবনার এবং দিকনির্দেশনার প্রতিফলন ঘটানো হয়েছে এ পরিকল্পনায়। আর সেজন্য মুজিববর্ষে এ পরিকল্পনা প্রণয়নকালে এর নামকরণ করা হয়েছে “মুজিব জলবায়ু সমৃদ্ধি পরিকল্পনা”। সেমিনারের সভাপতি তাঁর বক্তব্যে বলেন, সরকার জলবায়ু পরিবর্তনের কারণে সৃষ্ট ক্ষয়ক্ষতি মোকাবিলায় প্রয়োজনীয় ব্যবস্থা গ্রহণ করছে। কারণ জলবায়ু পরিবর্তন মোকাবিলা বাংলাদেশের জন্য বেঁচে থাকার লড়াই। তিনি আরও বলেন, অসংখ্য চ্যালেঞ্জ সত্ত্বেও বাংলাদেশ সরকার তার জলবায়ু পরিবর্তন অভিযোজন কর্মকান্ডের জন্য বিশ্বব্যাপী এক রোল মডেল এ পরিণত হয়েছে।

স্বাগত বক্তব্য প্রদানকালে জাতীয় গণমাধ্যম ইনস্টিটিউট এর পরিচালক এ. কে. এম আজিজুল হক বলেন, জলবায়ু পরিবর্তনের ঝুঁকির বিপদাপন্নতা অবস্থা থেকে বেরিয়ে সমৃদ্ধির দিকে যেতে এ পথনির্দেশিকা। সেমিনারে জাতীয় নদী রক্ষা কমিশনের সদস্য মালিক ফিদা এ. খান বলেন, বদ্বীপ পরিকল্পনা, এসডিজি এবং স্মার্ট বাংলাদেশ পরিকল্পনায় জলবায়ু ইস্যুটি অগ্রাধিকারে রাখা গেলেই মুজিব জলবায়ু সমৃদ্ধি পরিকল্পনা বাস্তবায়ন করা সহজ হবে।

সেমিনারে এটিএন বাংলার সম্পাদক সাউথ এশিয়ান ক্লাইমেট চেঞ্জ জার্নালিস্ট ফোরাম এর নির্বাহী সভাপতি কেরামত উল্লাহ বিপ্লব বলেন, এ পরিকল্পনা বাস্তবায়নের পথে গণমাধ্যমকর্মীরা জনসচেতনতা তৈরীতে কিভাবে ভূমিকা রাখতে পারে তার একটি সুনির্দিষ্ট কর্মপরিকল্পনা তৈরী করা প্রয়োজন।

সেমিনারে অন্যান্যদের মধ্যে সাউথ এশিয়ান ক্লাইমেট চেঞ্জ জার্নালিস্ট ফোরাম এর সেক্রেটারি জেনারেল আসাদুজ্জামান সন্নাত এবং জাতীয় গণমাধ্যম ইনস্টিটিউটের পরিচালক মো. নজরুল ইসলাম এবং ড. মো. মারুফ নাওয়াজ বক্তব্য রাখেন।

সেমিনারে সরকারি ও বেসরকারি গণমাধ্যমকর্মীসহ জাতীয় গণমাধ্যম ইনস্টিটিউটের বিভিন্ন পর্যায়ের কর্মকর্তাগণ উপস্থিত ছিলেন।


১৮/২/২৪
(আইরিন সুলতানা)
উপপরিচালক
ফোন : ৫৫০৭৯৪৪৪

বিতরণ: সদয় কার্যার্থে

- ১। প্রধান তথ্য অফিসার, তথ্য অধিদফতর, ঢাকা।
- ২। ব্যবস্থাপনা পরিচালক, বাংলাদেশ সংবাদ সংস্থা, পল্টন, ঢাকা।
- ৩। সভাপতি/সাধারণ সম্পাদক, বাংলাদেশ সেক্রেটারিয়েট রিপোর্টার্স ফোরাম, বাংলাদেশ সচিবালয়, ঢাকা।
- ৪। নির্বাহী সভাপতি, সাউথ এশিয়ান ক্লাইমেট চেঞ্জ জার্নালিস্ট ফোরাম।
- ৫। প্রোগ্রামার / সহকারী প্রোগ্রামার, জাতীয় গণমাধ্যম ইনস্টিটিউট, ঢাকা। (ওয়েব সাইটে প্রকাশের অনুরোধসহ)
- ৬। কার্যালয় নথি।